

Num VETULAM sterilem? fœcundam numvé juvenecam  
 Duxero verbosam? vel magè pauciloquam?  
 Serò, an maturè? (quamvis ambire puellam  
 Maturè, juvenem pœnituisse nequit)  
 Talia nonnunquam juvenum deliberat ardor,  
 Inter at hæc semper damna dolenda timet.  
 Qvod si Misniacæ molles facilesq; puellæ  
 Essent argutæ, nubivagæ & volucres,  
 Auceps, svaderem, fieret benè cautus amator,  
 Has ut dispiceret deligeretq; sibi.  
 Ne cadat in casses, prohiberet, STRUTHIO. namq;  
 Non in mole, sed est in bonitate Charis.  
 REGULUS est parvus. parvis est gratia rara.  
 Sæpius & parvis bilis inesse solet.  
 STRIX est feralis: naturâ PAVO superba,  
 Quæ vano interdum nomine picta tumet.  
 Imperiosa Jovis volucris: strepit improbus ANSER:  
 UPUVA spurca, luto gaudet & illuvie.  
 Perdita sic PERDIX. etenim lascivia multos  
 Perdit amatores nec sinit esse probos.  
 PICA loqvax: Doctis sunt grata silentia Musis:  
 Hinc Musis mulier, res odiosa, loqvax.  
 Non veniat piceis velata MONEDULA pennis,  
 Anxia res piceas est habuisse manus.  
 Sed nec HIRUNDO: fidem nam Ver, mihi crede, jugalem  
 Non facit, ast tandem Bruma reapse probat.  
 NOCTUA, monstrosa est: CORNIX est improba: TURDUS  
 Fertur edax: PASSER creditur esse salax.  
 FALCO, rapax: MERGUSq; bibax: hiat ICTERUS auro:  
 Præ cunctis TURTUR. cuiq; placere solet.